

Na osnovu člana 17. stav (2) Zakona o javnim nabavkama BiH, („Službeni glasnik BiH“, br. 39/14), člana 90. Pravila JU OŠ „Zahid Baručija“ Vogošća i Odluke o usvajanju Budžeta Kantona Sarajeva za 2020. godinu, Školski odbor na sjednici održanoj dana 02.04.2020. godine, donosi

PLAN NABAVKI ZA 2020. GODINU

I

Plan nabavki u JU OŠ „Zahid Baručija“ (u daljem tekstu plan) sačinjen je na osnovu Odluke o usvajanju Budžeta za 2020. godinu koju je donijela Skupština Kantona Sarajeva 11.3.2020. godine. Budžet za JU OŠ „Zahid Baručija“ Vogošća za 2020. godinu iznosi 1.503.062,00 KM. Sredstva koja podliježu proceduri javnih nabavki iznose 50.783,00 KM. Preostala sredstva Budžeta JU OŠ „Zahid Baručija“ Vogošća planirana su za isplatu obaveza prema zaposlenicima (plaće, topli obrok, prevoz, regres, otpremnine i jednokratne pomoći) i za komunalne usluge koje su izuzete od javnih nabavki.

II

Provođenjem postupka javnih nabavki će se osigurati:

- a) Najefikasniji način korištenja javnih sredstava s obzirom na svrhu i predmet javne nabavke
- b) Izvršenje nabavke i dodjeljivanje ugovora o javnoj nabavci u skladu sa postupcima utvrđenih Zakonom o javnim nabavkama BiH i podzakonskih akata
- c) Poduzimanje svih potrebnih mjera kako bi se osigurala pravična i aktivna konkurencija među potencijalnim dobavljačima uz ostvarenje jednakog tretmana, nediskriminacije i transparentnosti.

III

Zakonski osnov je:

- Zakon o javnim nabavkama („Službeni glasnik BiH“, br. 39/14),
- Uputstvo o uslovima i načinu objavljivanja obavještenja i dostavljanja izvještaja u postupcima javnih nabavki u Informacionom sistemu „E-nabavke“ („Službeni glasnik BiH“ broj: 90/14),
- Uputstvo za pripremu modela tenderske dokumentacije i ponuda („Službeni glasnik BiH“ broj: 90/14),
- Uputstvo o načinu vođenja zapisnika o otvaranju ponuda i Zapisnik o otvaranju ponuda („Službeni glasnik BiH“ broj: 90/14),
- Pravilnik o formi garancije za ozbiljnost ponude i izvršenje ugovora („Službeni glasnik BiH“ broj: 90/14).